

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA PRAVOSUĐE I UPRAVU**

Broj: 06-30-16542/20
Datum, 05.10.2020. godine

Na osnovu člana 28., a u skladu sa članom 26. Zakona o notarima („Službene novine Federacije Bosne i Hercegovine”, broj: 45/02) i odredaba Uredbe o broju notara za područje Zeničko-dobojskog kantona i njihovom službenom sjedištu („Službene novine Zeničko-dobojskog kantona”, broj: 15/03), ministar Ministarstva za pravosuđe i upravu Zeničko-dobojskog kantona, raspisuje:

**KONKURS
za izbor notara sa službenim sjedištem na području
Zeničko-dobojskog kantona**

Predmet Konkursa

Predmet ovog konkurs je izbor notara sa službenim sjedištem u Zeničko-dobojskom kantonu za:

- općinu Kakanj..... 2 notara sa sjedištem u općini Kakanj,
- općinu Zavidovići..... 1 notar sa sjedištem u općini Zavidovići,
- općinu Tešanj 1 notar sa sjedištem u općini Tešanj,
- općinu Žepče 1 notar sa sjedištem u općini Žepče,
- općinu Maglaj1 notar sa sjedištem u općini Maglaj,
- općinu Breza 1 notar za općinu Breza.

Postupak izbora notara, izvršit će se u skladu sa relevantnim odredbama Zakona o notarima („Službene novine Federacije Bosne i Hercegovine”, broj: 45/02).

Opšti uslovi za izbor notara

U skladu sa članom 26. Zakona o notarima „Službene novine Federacije Bosne i Hercegovine”, broj: 45/02), kandidat mora kumulativno ispunjavati sljedeće uslove:

1. da je državljanin Bosne i Hercegovine,
2. da ima poslovnu sposobnost i ispunjava opšte zdravstvene uslove kao službenik organa uprave,
3. da je diplomirao na pravnom fakultetu u Bosni i Hercegovini ili prije 06.04.1992. godine na pravnom fakultetu u bivšoj Jugoslaviji. Ukoliko je diploma stečena na pravnom fakultetu u nekoj drugoj državi, ovaj uslov se stiče nakon nostrifikacije diplome od nadležnog organa,
4. da je položio pravosudni ispit u Bosni i Hercegovini, ili u SFRJ prije 06.04.1992.godine. Ukoliko je pravosudni ispit položio u nekoj drugoj državi, ovaj uslov se stiče nakon priznavanja ispita od strane Federalnog ministarstva pravde,
5. da nije osuđivan na kaznu zatvora za krivična djela protiv čovječnosti i međunarodnog prava, protiv službene ili druge dužnosti ili za drugo krivično djelo izvršeno s umišljajem, koje u vrijeme imenovanja još nije brisano iz kaznene evidencije koju vodi nadležni organ,
6. da nije član neke političke partije,
7. da ima položen notarski ispit.

Potrebni dokumenti

Kandidati su dužni priložiti originalne dokumente ili ovjerene fotokopije sljedećih dokumenata:

1. Prijavu sa biografijom, adresom i kontakt telefonom,
2. Izvod iz matične knjige rođenih (ne stariji od 3 mjeseca),
3. Uvjerenje o državljanstvu Bosne i Hercegovine (ne starije od 3 mjeseca),
4. Uvjerenje o zdravstvenoj sposobnosti (ne starije od 3 mjeseca),
5. Diplomu o završenom pravnom fakultetu,
6. Uvjerenje o položenom pravosudnom ispitu,
7. Uvjerenje nadležnog Ministarstva unutrašnjih poslova da nije osuđivan za krivična djela protiv čovječnosti i međunarodnog prava, protiv službene i druge dužnosti, ili za drugo krivično djelo izvršeno s umišljajem, koji u vrijeme imenovanja još nije brisano iz kaznene evidencije koju vodi nadležni organ (ne starije od 3 mjeseca),
8. Ovjerena izjava da nije član neke političke partije,
9. Uvjerenje o položenom notarskom ispitu.

Rok za podnošenje prijava i objava Konkursa

Rok za podnošenje prijava na ovaj konkurs iznosi 30 (trideset) dana od dana posljednje objave konkursa.

Konkurs se objavljuje u dnevnom listu „Oslobođenje“, te u „Službenim novinama Federacije Bosne i Hercegovine“ i „Službenim novinama Zeničko-dobojskog kantona“.

Konkursni postupak

U skladu sa članom 29. Zakona o notarima („Službene novine Federacije BiH“, broj 45/02):

Za notara se mogu izabrati samo takvi kandidati, koji su svojim radom i ljudskim kvalitetama dostojni ugleda notarske službe.

Kod izbora između više kandidata, koji ispunjavaju uslove prema članu 26. Zakona o notarima, odlučujući kriterij je uspjeh postignut na notarskom ispitu.

Izbor kandidata prijavljenih na ovaj Konkurs, mora se izvršiti najkasnije u roku od 30 dana od dana isteka roka za podnošenje prijave na Konkurs.

Ministar za pravosuđe i upravu Zeničko-dobojskog kantona, formira će komisiju za sprovođenje konkursa, koja će utvrditi listu kandidata koji ispunjavaju uslove predviđene konkursom. U ovu komisiju, kao član, obavezno ulazi jedan predstavnik kojeg određuje ministar Federalnog ministarstva pravde.

Rješenje o izboru kandidata donosi ministar Ministarstva za pravosuđe i upravu Zeničko-dobojskog kantona, uz prethodnu saglasnost federalnog ministra pravde.

Kandidati koji ne budu izabrani za notara, dobiće pismeno obavještenje, koje sadrži razloge zbog kojih oni nisu izabrani, kao i podatke o kandidatu, koji je izabran za notara.

Protiv rješenja o izboru notara, može se u roku od 8 dana nakon prijema rješenja, odnosno obavještenja, uložiti prigovor ministru Federalnog ministarstva pravde. Prigovor protiv rješenja o izboru kandidata za notara zadržava izvršenje rješenja.

Ministar Federalnog ministarstva pravde, dužan je odlučiti o prigovoru u roku od 30 dana od dana prijema prigovora.

Rješenje kojim je odlučeno o prigovoru je konačno, a kandidat ima pravo na zaštitu svojih prava kod nadležnog suda odnosno drugih zakonom određenih organa, u roku od 30 dana od dana prijema rješenja donesenog po prigovoru.

Mjesto i način prijavljivanja

Prijava na ovaj Konkurs, sa traženim dokumentima, dostavlja se lično ili preporučenom poštom na adresu:

Ministarstvo za pravosuđe i upravu Zeničko-dobojskog kantona, ulica Kučukovići broj 2, Zenica, uz naznaku:

„Prijava za izbor jednog notara sa službenim sjedištem na području Zeničko-dobojskog kantona – za općinu Kakanj „– Ne otvarati,

„Prijava za izbor jednog notara sa službenim sjedištem na području Zeničko-dobojskog kantona – za općinu Zavidovići „– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Tešanj „– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Žepče „– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Maglaj „– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Brezu „– Ne otvarati,

Na poledini koverta navesti ime i prezime podnosioca, adresu i kontakt telefon.

Nepotpune i neblagovremene prijave neće biti razmatrane.

D o s t a v l j e n o:

1 x „Sl. novine FBiH“

1 x Dnevni list „Oslobođenje“ Sarajevo

1 x „Sl. novine Zeničko-dobojskog kantona“

1 x U spis

1 x a/a

MINISTAR

Nebojša Nikolić